

桂

洲

詩

集

自述詩

恭和 御製初閱 純德山喜而自

得詩

扈從一首

扈蹕奉 旨先往沙河途中恭述

館閣三首

閣前春試述懷

西苑閒步

旅况一十一首

良鄉寄西省同僚

定興道中

夜興

景和鎮道中

東安縣

偏橋道中

保定公館晝坐

涇陽店中東同行蕭東之

離京早發

宿鮎魚堡

平越道中次朱凌谿韻

遊覽六首

登平遠臺次韻

遊象山書院次李空同韻

春日遊道源山過南坂至降真峰

秋日過南溪

春朝借唐甸
族子登梅湖
峰至孫家
港

宿報國寺

四言古詩一十七首

應制一十七首

九五齋詩七首

乾象九五飛龍在天聖人得時位中正焉

大寶皇皇大君明明六龍時乘萬邦以寧
乾元統天皇建有極御天行道自疆不息
龍德陽升剛健中正利見大人氣求聲應
大人有造純粹至精雲行雨施天下和平

恭惟 聖人齋居嚴恪法象炳明奉 天是

作

三古四聖千載一心皇矣上帝赫哉鑒臨

內則詩四首

易首乾坤肇經人紀閨門之內王化攸始煌
煌后妃承天敵體茂揚陰教欽崇婦禮周有
三母德音是嗣上成內助作範貽軌麟定發
祥螽斯集祉

書稱釐降觀德瀉汭孚于萬邦式和厥內雍
雍庶妃儷皇作配爰脫簪珥乃省鞶帶庶幾
夙夜交相警畏既慎而淑終溫且惠懿則永
敷馨聞適沛

詩詠淑女君子好逑配德兆祥以興有周濟
濟夫人繫藻是脩克相明祀允濟大猷女德
尚貞婦道用柔陰翊皇化昭迓天休六宮惟
和萬國承流

禮重大婚爰聽內治明章婦順式理陰事娥
娥九嬪選德惟至 聖王作求克復前制鳴
王以朝貫魚有次母寵而驕母貴而肆媿矣
皇英紹徽任姒

靈魚詩六首 有序

嘉靖十六年三月乙酉 皇上展祀 山
陵禮成奉 聖母遊覽金山泛舟西湖以
還是日辰刻發棹功德寺前經青龍橋少
艤至湖中盛張內樂奉觴爲 聖母壽過
麥莊橋 上製西湖詞一闕詞中有錦鯉
躍忙之句少頃巨鯉躍入 御舟 上喜
甚及阜成門登岍 召臣言至 御幄前

授以詞草且紀其事於末簡曰此靈魚也

臣頓首頓首颺言曰客歲謁陵舟還

上作賦湖中有喜蛛絲御袍繞筆之祥

果應文孫之祝今巨魚入舟實陛下

至德感孚得衆之象海邦貢琛之徵也敢

爲陛下賀臣言再頓首頓首鞠躬以退

作靈魚詩六章章四句

湖水淵淵兮爾沫爾游誰汝使兮躍入帝

舟

帝德廣大兮浩浩其天數
晷不入兮爾潛在淵

舟楫翩翩兮湖水泊泊
爾弗靈兮曷識黃袍
揚翠鬢兮錦鬣張奮一躍兮覲
天光凌素漪兮騰逝含御氣兮洋洋

詩歌於物兮易著豚魚
聖德極至兮大化與俱

簫韶在廷兮千羽兩階海波靜兮覩重譯之
有來

詩 五言古詩二十九首

應制八首

恭和 御製選翰林詩

自古儒林選還須濟世賢經綸資預養學術
貴精專肆我 祖宗日名臣德業全貞才出
公論私意何能干吾 皇重英乂圖治志彌

堅咨訪及愚臣敢不答皇天

奉 旨作無逸殿西壁詩三首

卓哉姬旦訓拳拳小民依無逸而乃逸萬世
垂元龜興替亦何常敬怠惟其幾帝德罔有
愆天命諒無違躬行見明 聖千載同光輝
我 皇建人極妙契精一傳念茲農事勤允
爲王業先旣秉南郊耒復墾西苑田俎豆列
壇壝棟宇開宮原 聖人所無逸率土歌有

年

於 皇承累葉厥德耀前聞欽明配帝堯濟
哲齊放勲嗟嗟農家忙 聖考有遺文因之
肯堂構乃復勤菑貽茲萬代謀嗣守思彌敦

恭和 御製視二閣工程過觀 世

廟有感詩

高閣起南苑 帝駕乘春陽承恩謝宣命扈
聖瞻清光金宮屢造膝 天語溫而詳優眷

及小臣大孝追先王言念皇考廟創構日已
長寢後何促迫况近河水傍拂哉 帝曰吁
茲焉感我腸豈無松檜繁欲植徒爲妨慨然
思未圖改作庸何傷禮官實贊決庀工差時
良於穆昔歌周孔安亦頌商適觀翼翼成萬
世民所望

恭和 御製重華殿等各置經書備

覽詩

皇心篤聖學所在開王堂游觀禁苑中愛此
夏日長因之置羣籍坐閱免持將時習功乃
勤日新德彌光廓然見虛靈物欲無纖藏乾
乾法天運 聖度浩難量卓哉元首明尚媿
股肱良魏乎有成功誰能名蕩蕩詎期千載
下身親見 聖王王見旣以明 帝業益以
昌治道匪六經徒爾百具張微臣列儒紳敢
不思對揚對揚乃其分庶不負明揚商訓務

時敏堯典在克明敬學懋建極傳心實同方
以茲無貳心上可對皇皇允惟升大猷豈曰
歌小康

恭和 御製南詣 顯陵命駕出京

自述詩

南巡肅 大駕辭几心更傷瞻彼荆楚道迤
遞不可量道路不可量寧似孝思長夙夜事
遄征 顯陵日在望 龍旗照中原千里馳

平康陟岵懷劬勞如存事其亡白日長風急
輦路紅塵揚 天語戒守吏勿爲吾民殃愛
親與仁民隱隱出衷腸 皇情軫大事羣工
思贊襄矧荷 君恩重寢食寧自違首謀
北遷重再計 南行忙百慮復千思祇固厥
後昌巡狩自虞典 天子實省方因之問民
瘼予以咨周行自分樗櫟材媿乏 明特臣
扳附龍飛翼弱羽憑風張嵩山入雲霧衡嶽

摩青蒼榮光照河洛
協氣符 明良茲行迓
天明萬世其久藏

恭和 御製初閱 純德山喜而自

得詩

大孝重園寢 睿思結中腸
翠華幸遠服黃 蓋臨層岡
夙夜懷明發 靡憚道路長
仰睇

純德山允占後祚
昌江漢作襟帶 衡嶽為垣
墻五氣集 玄宮卿雲滿
帝鄉慎動體陰

靜居守嚴巨防百神護
靈域萬世悅
先皇
榮光發天地寶曆那可量
文謨旣已顯
武烈庶無忘

扈從一首

扈蹕奉
旨先往沙河途中恭述

卿雲冒層城靈雨灑飛觀
祥飈集廣路瑞日
藹芳甸從官候晨館
清蹕聞曉殿
鳳輦戒
東華龍旗指北面
驪驪羽騎動
肅肅朝鴉散

振策出重闈驅車謝高幘脩途愜遠興遙山
起新戀花明兩水河柳暗半壁店回瞻紫
宸駕旌旄時隱現

館閣三首

閣前春試述懷

闕庭敞神麗春日集冠袍列几盈丹地分題
散彩毫花深宮漏靜絲裊御烟高村館慙初
試綸音喜再叨感深臣節厲憂極聖躬勞

賦罷趨朝出平生慶所遭

西苑閒步

芳草仍未歇餘花故自飛林烟曉凝濕池日
淨含暉散步擬行園好風時拂衣遠山青入
望綠樹重依依阿閣倚層城金宮敞朱扉寥
寥清虛殿參差出翠微境勝神僊悅慮澹願
豈違宇宙盡人境蓬萊知是非及此暮春者
學彼味而歸

和黃致齋試士

涼風吹碧梧湛露滋華鮮秋堂試多士彩筆
揮高天四壁響風雨滿紙流雲烟文章果何
物各務鬪其妍 聖主垂衣裳大網羅衆賢
所願得名世翊贊中興年

旅况一十一首

良鄉寄西省同僚

朝辭西掖垣書出西城門省僚遠相送野寺

復開尊綠槐蔭大道黃鳥鳴中園論心備款
眷執手勞贈言贈言非遠離咫尺有所思君
歸承明侍予從郊甸馳日夕臨下邑簿書焚
若絲矯首五雲觀列宿光參差

定興道中

夕息寡安寢晨發足清興暉暉野日薄藹藹
墟烟淨微颺遞新爽層霞閃餘映側聆壠雉
雝仰覲林鳩並道遙即廣路踟躕躡嘉命誰

能厭辛苦聊以慰罷病

夜興

微颺振華樹疎櫺透涼月虛堂華燭燼別館
清琴發芳思徒延佇山川豈吳越幽夢遶西
樓迢迢度城闕

景和鎮道中

清晨向東鶩旭日照我惟平郊闊決澗遠樹
鬱歲蕤豆苗經雨秀棗花含露滋霏霏浮烟

歛濛濛宿霧披稍看田父出時見野婦隨割
麥邁東阡鋤黍適西畝最哉勤爾生母爲壩
上兒

東安縣

昨夜宿西河今旦入東安郊圻莽迴互客行
無定端日出攬晨轡畢景解夕鞍嚴霜披曠
野朔風厲中原木葉日已疎乃知天氣寒迴
鞭眈京闕倚劔望關山平生懷壯圖行役非

所嘆

偏橋道中

祇役越荒服言歸念何時
迢遙路道遠奄忽
日月移筋力苦登頓
山川多嶮巇驅車高岳
頭騁轡絕澗涯俛聆衆壑
宗仰睇孤雲馳去
家萬餘里覲物勞我思
怪禽翔水曲猛獸嗥
山基崕傾瘴雨黑林深
毒霧滋壯遊經堦墀
憂端亂難治

保定公館書坐

重門掩長晝槐陰知午過瓦雀上堦行青蟲
抱絲墮公暇亦憑几好風時入座終羨栗里
翁悠哉北牕卧

涇陽店中東司行蕭東之

曉發金臺驛午次涇陽店長楊蔭廣路秀麥
彌芳甸望塵每接軫避暑仍迴幘馳驅向萬
里勦力定誰健

離京早發

曉出彰義門，白日照廣原。
迤邐渡河曲，微茫見烟村。
離離西山岑，插戟如護垣。
遙瞻畿甸闊，却望皇居尊。
東來太行水，流出堯乾渾。
北極冠冕通，王氣河山存。
萬年此疆域，願奉明主恩。

宿鮎魚堡

朝發蜈蚣關，暮宿鮎魚堡。
千山應踉蹌，萬壑

經窈窕升車雨冥冥息馬日杲杲危城隱孤
戍荒庭翳積草入門積思卧對食不願飽夜
未聞角悲天明聽鷄早程嚴夢屢驚心憂鬢
先老

平越道中次朱凌谿韻

山行多嶮巇日夕驅我車我後嗥猛虎我前
橫毒蛇巖壑莽榛翳蛇虎以爲家蛟鱷據江
潭射工吹起沙水深不可渡殺人如刈麻

遊覽六首

登平遠臺次韻

凌曉躋層基居然見靈刹
條風卷裾帶旭日
晞我髮蓬萊在何許
想像風烟末
平臨意不極
仰歎天宇闊
翛然散沈鬱
匪悟無生法
巖高雲霧屯
磴古莓苔滑
昏黑憺忘歸
採竒遲明發

遊象山書院次李空同韻

泛舟涉前津陟岍歷平坂巘高旣岑崿境曠
復幽衍遺祠莽荒寂俎豆舊莫展鄙予辱里
閭歎惋屢縈緬壯哉李子遊清風披層巘千
秋肯堂構吾道賴舒卷我歸重修謁創觀昔
心遺遺音託深劄三賢諒俱顯

春日遊道源山過南坂至降真峰

春遊忘遠近逶迤入雲谷始陟道源巔還尋
降真麓捫蘿躡危磴抗策度修竹春陽照南

坂條風吹野綠雙溪宛如帶羣峰削寒玉掃
石披幽襟臨高送遠目日夕不知疲歸來念
秉燭

秋日過溪南

高秋望南山天氣日已肅清霜萎弱草寒雲
護芳菊風澄含丹青烟林露巘谷飛鳥倦思
巢窮猿悲失木流泉涸欲斷出蹺陟見足石
門透斜日茆茨隱修竹緬懷幽棲人條然企

選躅時網嬰我身無緣對塵俗誰能誑山靈
碧嶺不可辱忘世予豈敢賞心寔吾欲佳辰
挈友朋尊酒戒童僕逶迤陟陁隄迅遞沿澗
麓捫葛步忘險坐石歌相續一悟散鬱沉四
顧豁心目

春朝借唐甸族子登梅湖峰至孫家
港

梅峰何孤高雙溪出其麓羣山環遠碧萬樹

發新綠旭日煥東嶺照見幽人屋雜花被廣
甸好鳥鳴深谷掃石散幽襟憑高送遠目杖
履集宗人和氣襲春服卽此愜吾悵豈必沂
可浴

宿報國寺

早朝 奉天門夕宿報國寺天寒歲雲暮程
嚴有王事風攬祇樹林霜重青蓮地驅馳萬
里心夢想三生偈安知非如來明發且西去

桂州詩集卷之第二終

桂洲集卷之二

十九

桂洲詩集卷之第三

特進光祿大夫國子師兼太子太師吏部尚書蓋殿學士惠溪夏言撰

詩 五言古詩二十七首

答和五首

答文衡山用韻四首

答溫託齋

東贈七首

東鉛山鄭尹兼謝惠紙

贈李憲副

贈胡侍御國華養病歸閩

贈徐惠下令新昌

贈劉儀制伯雨擢南京尚寶卿

贈吳生藻

贈注生顯

送別一十五首

次毛東塘留別

送許侍御伯誠出按東吳次韻五首

送李百竹令曲江

送薛君采四首

送李子中

送黃生材還撫州

送蕭侍御子邕提學南畿

送葉旗峰之京

五言古詩二十七首

答和五首

答文衡山用韻四首

春從江上來夜聽吳洲雨坐起懷佳人衡山
渺何許溪堂掩修竹戶外容雙屨相見竟無
言月團試新煮

汀草漸碧色渚蒲已新芽吳門夜來雨飛盡
林間花江水日夕深坐見沒鷗沙何人鼓蘭
棹獨客感春華

鴻飛何冥冥觀者兩皆決超然離垢氛萬里
直橫絕寄我雲中書千秋字不滅歲晚當憶
君更冒山陰雪

繫舟闔閭城興至焉所適水上幽人居春深
晝方寂午枕竹烟消曉窓花露滴吾廬象山
下泉聲流白壁

答溫託齋

傾蓋知我者於公見疇昔憶從題詩日至堂

屢對食江湖十年夢公樂在泉石而我幸遭
際千載真難一飛騰踐台軸歲不滿六七中
間歷風波支撐頗費力痛定復思痛不寒仍
自栗所懼恩寵多能免愆尤積士習日云
變人心良叵測吁嗟平生心有如此白日古
調倘可尋臨風鼓吾瑟

東贈七首

東鉛山鄭尹兼謝惠紙

嬰病不得出懷賢思難禁端居對嘉樹積雨
蔽層陰門巷俗轍齋城市如山林條然抱孤
况誰哉遺徽音茲晨枉芳札嘉惠知素心百
朋豈足多千金詎能任相思耿予懷有酒莫
共斟踪跡豈云遠會合當自今力藥候明發
方舟江水深

贈李憲副

涼飈變寒節濡露明秋園堅冰有其漸逝景

胡能存登樓遲歸翼仰見浮雲繁感茲感不
淺孤懷莫與言達人明先幾鴻飛何翩翩謝
秩不待老辭榮貴居尊伊昔荷 皇眷功業
難具論西曹十年繫南國萬里奔修名耿不
廢晚節茲彌敦求懷二疏傳愛此三徑躄歸
來屏氛雜無乃脫籠樊玉山何嵯嵯水溪何
渾渾溪山有真趣豈必桃花源晨遊循江臯
夕息搜石門披襟舞雪吹晞髮扶桑暎度幾

免形役持此求朝昏

贈胡侍御國華養病歸閩

驅車背京邑理權及流澌平明務飲餞抱瘵
辭朋知條風洒林薄白日麗郊岐繫駒綠柳
間奠筆春江湄臨流詎能發對酒心不夷側
聆鳴鳥悲俛睇頽波馳流雲結行蓋去旆颺
曾颺覲物增友戀懷賢重師資綢繆阻舊歡
慷慨惜芳時願言入山中訪藥遇安期庶幾

蚤迴旋慰此長相思

贈涂夢卜令新昌

春雲冠層城初陽耀丹闕衢路羅祖席車蓋
儼成列東裝及良辰解纜值嘉月脩塗喜新
踐久誼傷今別聖朝重明牧王書簡英傑矧
茲難難會弘濟仗達節陽城自殿課科催甘
處拙何武居無名遺思乃在竭昔賢務寬政
豈第有成說新昌古名邑山水擅句越子行

嚴微猷慷慨紹前烈敷辭媿膚率撫已矜薄
劣

贈劉儀制伯雨擢南京尚寶卿

祇命謝朝闕抗旌背京里東曹循舊章南
國遲新軌設筵芳甸側停騎清江浹高臺飛
雲霞緒風蕩蘭芷飲餞萃時哲綢繆盡知己
高人負經濟弱冠振才美十年守郎局勞勩
存邦禮睦茲波蕩中拯溺恃君子把別非三

心即事昧成理指塗波嶺重稅駕風塵彌卜
室鍾山旁賞花石城裏舊京神靈地廟社方
毗倚百司貯才彥猶足直國紀符臺本名卿
豈必親玉璽祗虞江湖上廊廟憂未已太息
抱情殷永言媿辭俚

贈吳生藻

鼇頭磯下水東去何悠悠西風吹落日繫我
南歸舟戚戚抱新悲悽悽感舊游窮途歲云

暮淚下難爲收吳生婉青揚顏我來沙頭訊
問多苦言繾綣復綢繆感激重高義欲去聊
淹留此都繁華地風塵多所憂新安山水郡
胡不懷故丘何時果言旋訪爾溪南幽

贈汪生顯

北風吹江波我舟迅南征落日泊清源踟躕
傷我情夙昔客此郡綵服趨椿庭君家仲容
賢蚤歲獲交承江湖二十載往事念凋零憐

君篤高誼好懷向我傾
船牕夜剪燭坐對冰
壺清憂思一以抒
稍覺雙眼明風塵起遐想
泉石有舊盟何日黃山遊
携子抗策行

送別一十五首

次毛東塘留別

步出西城闌望見南山泉
春晚野色秀農秧
青甫田團峰上初日綠
樹含朝烟午次芋源
驛行李忽在船誠歸情
頗愜念此膠漆堅昨

夜共樽酒今朝各一天登艫重憶感展玩荷
亭篇江水何渺瀰雲山何連綿

送許侍御伯誠出按東吳次韻五首

與子三載前射策來君門結交重同志願言
資討論浮跡竟靡定飛蓬歎秋原嘉會難再
得寂蔑負盟言

掄材啓東閣君向詞垣遊而我從俗宦薄劣
寡諧謀思君在遠道一日如三秋佳期邈莫

即悵矣令心愁

見面幾何時忽焉傷遠離
睠彼特栖鳥悲鳴
感我私鷓鴣飛遠天蛟龍潛故池願六作霖
雨民生多苦饑

伏波表銅柱介子斬樓蘭
男兒四方志功名
懷不刊君今乘驄馬
逢下五雲端拂拭手中
劍霜刃光芒寒

凌晨候子發仰視北斗平
驅車適江介萬里

振英聲時危戀知己歲晚求友生相期樹宏業豈伊兒女情

送李百竹令曲江

蕭晨戒徂輿涼郊肆離席旭日照大川清飈振長陌顧茲索居者翻念遠行客提携單父琴懷抱荆山璧瞻言枳棘枝翳此鸞鳳翮愛賢豈自今知子良在昔循良世罕遇豈第民所憚頌聲遍遐邇微書下朝夕相看百竿竹

歲晚色逾碧

送薛君采四首

高岡有鳴鳳，文采何英英。虞廷一來集，四海
聆歸昌。歲晏涼飈厲，倏起西南翔。明晨發濛
汜，落景宿扶桑。施翮凌紫氛，天路任縱橫。矯
首睇緬邈，惻矣令心傷。

心傷鬱徘徊，同袍願莫違。丈夫重交契，瓜葛
相因依。茲辰有乖忤，中心潛以悲。豈無絃歌

曲感激發聲哀恩義苟弗諉猶可喻中懷願
附九苞羽因之起高飛

高飛亦何適歸卜南山宅采藥寧慕僊著書
聊準易亭亭澗畔松鬱鬱陵山陌根株旣以
固葉葉不改碧烈士抱真心歲晚厲金石願
言慎攸託展矣我心獲

我心難具陳離別愴我神行子念往路去去
譙城闈稅駕陟高堂調膳娛老親伊予顧業

梓戚戚懷苦辛逝言返初服送子聊一申願
采琅玕實無忘惠遠人

送李子中

盛夏理嚴裝詰旦臨廣路洛騎方北旋吳檣
會東鷺清飈動野莽落月隱關樹眇眇余佇
瞻依依爾還顧還顧莫少淹飲餞羅英賢朱
絃汎瑤瑟玉醴沾芳筵睠此同栖翮分飛瞥
遠天乖絕有恒悲離索還自憐自憐寡諧謀

慷慨念同遊，允茲雲龍會。豈伊膠漆投，薰蕕
倚芳蘭。嗣響答琳瑯，感遇重悃結。日夕成綢
繆，綢繆詎忍分。秉節入吳門，層城夾綠水。文
臚蔭朱軒，行春采諶頌。清問明煩寃，寃努力茂
嘉績。無令孤願言，願言懷故知。款覲在何時，
澤國多芳草。采掇當遺誰，道路雖云遠。鴻鴈
有還期，因之吐芳訊。良以慰我私。

送黃生材還撫州

秋郊木葉下白日照燕關我沽一尊酒送客
多離顏相見南飛鴻蕭蕭江上還愴神悲遠
遊東書歸故山芳桂待時發努力在所攀

送蕭侍御子邕提學南畿

闌暑被嘉命新涼卽修塗爰述中臺職遂乘
南國符聖皇右文教甲科簡英儒人用豈第
作治以綱紀扶大厦資衆材珍裘集千狐裁
縫屬妙手斷斷歸工輪夫子抱竒蘊際時展

英圖文章豈虛技道德有真腴末習滋橫流
力挽存吾徒孔法善乃誘虞教寬以敷願言
闡洙泗匪直倡蘇湖庶幾康世屯欽哉崇師
模

送葉旗峰之京

涼風變寒節白露下庭早佳人懷北闕爲別
何艸艸自君新城來田野失枯稿彈棊邑中
理居然見吾道吾道日已孤相送萬里送浮

雲翳青冥白日渺江湖執手臨高臺野色連
平湖袖中出寶劍贈子還京都京都天北極
迴首欲霑臆平生報國心烟烟君應識抱
病起登樓目送萬里翼緘情對滄波長風吹
海色

桂洲詩集卷之第三終